

पा॒न्ति । मि॒त्राव॑रु॒णौ । अ॒व॒द्यात् । च॒र॒न्ते । ई॒ । अ॒र्य॒मो० । अ॒प्र॒ऽश॒स्तान् ।
 उ॒त । च्य॒वंते॒ । अ॒च्यु॒ता । ध्रु॒वाणि॑ । व॒वृ॒धे । ई॒ । म॒रु॒तः । दा॒ति॒ऽवा॒रः ॥
 न॒हि । नु । वः । म॒रु॒तः । अ॒न्ति॑ । अ॒स्मे० । आ॒रा॒त्तात् । चि॒त् । श॒व॒सः । अ॒न्तं । आ॒पुः ।
 ते । धृ॒ष्णु॒ना । श॒व॒सा । श्रु॒श्रु॒ऽवा॒सः । अ॒र्णः । न । द्वे॒षः । धृ॒ष॒ता । परि॑ । स्युः ॥
 व॒यं । अ॒द्य । इ॒न्द्र॒स्य । प्रे॒ष्टाः । व॒यं । श्वः । वो॒चे॒म॒हि । स॒ऽम॒र्ये ।
 व॒यं । पु॒रा । म॒हि । च॒ । नः । अ॒नु॒ । द्यून् । तत् । नः । ऋ॒भु॒क्षाः । न॒रां । अ॒नु॒ । स्या॒त् ॥
 ए॒षः । वः । स्तो॒मः । म॒रु॒तः । इ॒यं । गीः । मा॒दा॒र्य॒स्य । मा॒न्य॒स्य । का॒रोः ।
 आ । इ॒षा । या॒सी॒ष्ट । त॒न्वे । व॒यां । वि॒द्याम॑ । इ॒षं । वृ॒ज॒नं । जी॒र॒ऽदा॒नुं ॥ ५ ॥

१६८

य॒ज्ञा॒ऽय॒ज्ञा । वः । स॒म॒ना । तु॒तु॒र्व॒णिः । धि॒यं॒ऽधि॒यं । वः । दे॒व॒ऽयाः । ऊं० । द॒धि॒ध्वे ।
 आ । वः । अ॒र्वा॒चः । सु॒वि॒ताय॑ । रो॒द॒स्योः । म॒हे । व॒वृ॒त्यां । अ॒व॒से । सु॒वृ॒क्ति॒ऽभिः ॥
 व॒व्रा॒सः । न । ये । स्व॒ऽजाः । स्व॒ऽत॒व॒सः । इ॒षं । स्वः । अ॒भि॒ऽजा॒य॑न्त । धू॒त॒यः ।
 स॒ह॒स्रि॒या॒सः । अ॒पां । न । ऊ॒र्म॒यः । आ॒सा । गा॒वः । व॒द्या॒सः । न । उ॒क्ष॒णः ॥
 सो॒मा॒सः । न । ये । सु॒ताः । तृ॒प्न॒ऽअं॒श॒वः । ह॒त्॒ऽसु । पी॒ता॒सः । दु॒व॒सः । न । आ॒स॒न्ते ।
 आ । ए॒षां । अ॒से॒षु । रं॒भि॒णी॒ऽइ॒व । र॒भे । ह॒स्ते॒षु । खा॒दिः । च॒ । कृ॒तिः । च॒ । सं । द॒धे ॥
 अ॒व । स्व॒ऽयु॒क्ताः । दि॒वः । आ । वृ॒था । य॒युः । अ॒म॒र्त्याः । क॒श॒या । चो॒द॒त् । त्म॒ना ।
 अ॒रे॒ण॒वः । तु॒वि॒ऽजा॒ताः । अ॒चु॒च्यु॒वुः । ह॒ह्म॒नि । चि॒त् । म॒रु॒तः । भ्रा॒ज॒त्॒ऽऋ॒ष्ट॒यः ॥
 कः । वः । अ॒न्तः । म॒रु॒तः । ऋ॒ष्टि॒ऽवि॒द्यु॒तः । रे॒ज॒ति । त्म॒ना । ह॒न्वा॒ऽइ॒व । जि॒ह्वा॒या ।
 ध॒न्व॒ऽच्यु॒तः । इ॒षां । न । या॒म॒नि । पु॒रु॒ऽप्रै॒षाः । अ॒ह॒न्यः । न । ए॒त॒शः ॥ ६ ॥
 क॒ । स्वि॒त् । अ॒स्य । र॒ज॒सः । म॒हः । परं॑ । क॒ । अ॒वरं॑ । म॒रु॒तः । य॒स्मिन् । आ॒ऽय॒य ।
 यत् । च्य॒व॒यथ॑ । वि॒थु॒रा॒ऽइ॒व । सं॒ऽहि॒तं । वि॒ । अ॒द्रि॒णा । प॒त॒थ । त्वे॒षं । अ॒र्ण॒वं ॥
 सा॒तिः । न । वः । अ॒म॒ऽव॒ती । स्वः॒ऽव॒ती । त्वे॒षा । वि॒ऽपा॒का । म॒रु॒तः । पि॒पि॒ष्व॒ती ।
 भ॒द्रा । वः । रा॒तिः । पृ॒ण॒तः । न । दक्षि॑णा । पृ॒थु॒ऽज॒यी । अ॒सु॒र्या॒ऽइ॒व । जं॒ज॒ती ॥
 प्र॒ति । स्तो॒भ॒न्ति॑ । सि॒न्ध॒वः । प॒वि॒ऽभ्यः । यत् । अ॒भि॒यां । वा॒चं । उ॒त्॒ऽई॒र॒य॑न्ति ।
 अ॒व । स्म॒य॑न्त । वि॒ऽद्यु॒तः । पृ॒थि॒व्यां । य॒दि । घृ॒तं । म॒रु॒तः । प्रु॒ष्णु॒वंति॑ ॥